

影印
文淵閣

四庫全書

影印

文淵閣四庫全書

第五二六冊

北京出版集團公司
北京出版社

本冊目次

浙江通志(八)

清

嵇曾筠等監修
沈翼機等編纂……………一

欽定四庫全書

史部
浙江通志卷二百五十九
六十

詳校官給事中_臣戴璐
檢討_臣德生覆勘

總校官編修_臣倉聖脉
校對官庶吉士_臣滿庭筠
謄錄監生_臣周元梓

欽定四庫全書

浙江通志卷二百五十九

藝文一

文章經國之大業與政治通故曰文以載道非是則言之無徵焉會稽文士立言繁盛見於朱育之對曄若春榮上下千百年間述作已云大備顧名山石室之藏搜羅未盡第擇其有關吏治民生山川風土者存什一於千百云志藝文

欽定四庫全書

浙江通志
卷二百五十九

詔

漢武帝賜嚴助詔

詔會稽太守君厭承明之廬勞侍從之事懷故土出為郡吏會稽東接於海南近諸越北枕大江間者閭焉久不聞問具以春秋對毋以蘓秦縱橫

晉元帝恤吳郡饑詔

天下凋弊加以災荒百姓困窮國用並匱吳郡饑人死者百數天生蒸黎而樹之以君選建明哲以左右之當

深思以救其弊昔吳起為楚悼王明法審令損不急之官除廢公族疎遠以附益將士而國富兵強況今日之弊百姓凋困邪且當去非急之務非軍事所須者皆省之

晉孝武帝除三吳租布詔

三吳奧壤股肱望郡而水旱併臻百姓失業夙夜惟憂不能忘懷宜時拯卹救其凋困三吳義興晉陵及會稽遭水之縣尤甚者全除一年租布其次聽除半年受賑貸者即以賜之

欽定四庫全書

浙江通志
卷二百五十九

宋太宗曲赦兩浙德音

惟皇建極括寓縣以開階惟辟奉天法陽春而流惠我國家丕承大業光宅中區奄三代之提封盡歸王化撫萬邦之生聚皆樂皇風近又吳越國王錢俶遠效忠規嘉逢昌運走梯航而入覲叩宸扆以披誠願輸奕世之土疆盡入天朝之封域睠茲恭順特議允俞言念吳方久疎王澤當混同之資始均茂育以攸宜爰頒在宥之

文俾預太平之化應兩浙管内云云於戲四海一家既

大同於文軌三吳百越屬初被於照臨固於撫御之間良軫寐興之念彼中官吏差去使臣更施存恤之方廣示懷柔之道令其富庶慰朕焦勞告示遐方知予厚意

宋太宗均租詔

詔兩浙諸州先是錢俶封國之日民多流亡棄其地為曠土宜令所在籍其墾畝之數均其租每歲十分減其三以為定制仍給復五年召游民勸其耕種厚慰撫之

欽定四庫全書

浙江通志
卷二百五十九

宋真宗吳山廟春秋建道場詔

詔曰杭州吳山廟神實主洪濤聿書往冊頃者湍流暴作閭井為憂致禱之初厥應如響禦災捍患神實能之用竭精衷有加常祀庶憑誠感永庇吾民宜令本州每歲春秋建道場三晝夜罷日設醮其青詞學士院前一月降付

宋高宗放免租稅詔

朕遭時艱難遂為行國凡駐蹕去處理合優異寬恤民力始稱朕懷其臨安府諸縣人戶拖欠稅租等物依去秋明堂赦令合行倚閣者並特與放免如官吏日後復行催納者依沮格詔令科罪

宋高宗罷修造詔

比移蹕臨安六宮尚留會稽者政緣不欲增廣行闕重困民力訪聞行在係官修造去處甚多可日下並罷自今後非得旨許令增修而輒敢擅役人夫者令御史臺糾彈以聞仍令尚書省出榜曉示頒行

欽定四庫全書

浙江通志
卷二百五十九

四

宋高宗蠲免兩縣民戶地基和買詔

比聞臨安府錢塘仁和兩縣昨經兵火焚毀其民戶居住惟存地基而又有為官府營寨拘占者尚依舊家業錢均敷和買絹數既無從出豈免逋負追呼催索在所愍恤可令本府契勘見為官占去處許計家業錢蠲免絹數仍具榜示

宋高宗親耕藉田詔

朕惟兵興以來田畝多荒故不憚卑躬與民休息今疆場罷警流徙復業朕親耕藉田以先黎庶三推復進勞賜耆老嘉與世俗躋於富厚昔漢文帝頻年下詔首推農事之本至於上下給足減免田租光於史冊朕心庶幾焉咨爾中外當體至懷

詔

宋孝宗賜臨安府尹周淙詔

畿方千里俗具五民趨利者率多巧偽忘身者公肆奪攘非閑之以義守之以信求閭閻之空未易得也卿以吾上嗣尹正自司事以來風流篤厚禁網疎闊刑罰用稀今也俾無一人之獄足以副吾欽恤之意矣賀章來上嘉歎不忘

制

盧元輔除杭州刺史制

唐白居易

河南縣令盧元輔早以學藝列在周行嘗守商都頗聞有政再領京縣益見其才江南列郡餘杭為大征賦猶

欽定四庫全書

浙江通志
卷二百五十九

五

重疲人未康藉爾登車往分憂矚勞徠安輯稱朕意焉
賞賢旌能以佇報政可

李訥除浙東觀察使兼御史大夫制唐杜牧

仲尼以舉賢才則理大禹以能官人則安況西界浙河
東淹左海機杼耕稼提封七州其間繭稅魚鹽衣食半
天下不有可使宣宜委之正議大夫使持節華州諸軍
事守華州刺史兼御史中丞充潼關防禦鎮國軍等使
上柱國隴西縣開國男食邑三百戶賜紫金魚袋李訥

欽定四庫全書

浙江通志
卷二百五十九

六

溫良恭儉齊莊中正實以君子之德華以才人之辭揚
歷清顯昭彰令聞輟自掌言式是近輔子貢為清廟之
器仲弓有南面之才智莫能欺剛亦不吐表率教化皆
有法度今者兵為農器草作軒車言於共理在擇循吏
是故用已效之績託分寄之任擁舊旂而服玄玉化千
里而有三軍儒者之榮莫過於此孔子曰仁者愛人智
者知人愛人則疲羸可蘓知人則才幹不棄土宇既廣
殺生在我考此二者可以報政榮加副相用壓大邦爾

其勉之無忝所舉可使持節都督越州諸軍事守越州
刺史兼御史大夫充浙江東道都團練觀察處置等使
散官勳封賜如故

許懋為兩浙轉運副使制

宋曾鞏

勅具官某朕擇遣使者分部而治雖以將漕為稱然實
總民政之舉措察吏屬之能否蓋連數十城之地舉而
屬之其選豈不重哉爾詳練敏明宜服予采蓋爾之職
非止於督賦斂斷獄訟而已惟除苛息擾可以使民遂
其宜惟務實去華可以使吏馴其行宣恩德而美風俗
待爾能善厥官可不勉與以祇朕命可

兩浙轉運副使許懋可令再任制

宋蘇軾

勅具官許懋吳越之人凋敝久矣朕方蠲理繁碎以安
養其衆非得循吏察視郡縣均通有無則民何賴焉以
爾儒術精通吏事詳敏歷年於茲民便其政既信之俗
必易為功庶無新故更代之勞而有上下相安之美勉
脩前業無怠日新可

欽定四庫全書

浙江通志
卷二百五十九

七

行知杭州葉夢得復舊職制 宋 汪藻

股肱宣力四方實寄藩維之重精神折衝千里允資師帥之良矧吾左右之臣殿彼東南之服雋功來上褒渥可忘具官早以時才揚於禁路粹矣朝廷之表歸然人物之英治必有聲能使可居之官大動皆中節故每不勞而功成比緣蛇豕之妖未正鯨鯢之戮篋竹深阻谿山繹騷迺攄堂上之奇畫服潢中之衆惟三仕三已莫明令尹之心故七縱七擒微見武侯之畧宜還寵數用

欽定四庫全書

浙江通志
卷二百五十九

示眷懷尚加屬於壯猷庶永綏於遐俗可

木待問知湖州制

宋 樓鑰

勅具官某儒科首選宦達相望儲禁舊僚收用畧盡慈皇初開南省爾則為多士之先冲人頃居東宮爾則任端尹之寄而十年以來欲仕輒已朕嘗念之惟近臣為明當塗之誣浮議遂定吳興劇郡視古左馮衆所憚為舉以試女勿以多言為畏倚需最課之聞高爵美官豈於汝吝可

新知紹興府倪思改知婺州制 宋 樓鑰

勅具官某視禁林之草原藉於通儒分輔郡之符俯從於忱請相才既審易地皆然爾學優而醇文麗以敏蚤登宏博之選徑上清華之途翰院詞垣擅兩制絲綸之美經惟史館極一時筆橐之榮擢貳儀曹獨司秩祀拭圭出使握節言旋曾坐席之未溫遽抗章而自列豈久勞侍從之事遂厭直承明之廬懷會稽太守之章致勤再命繼東陽隱侯之詠去擁一麾勉為朕行毋輕民事

欽定四庫全書

浙江通志
卷二百五十九

九

成之後可

教

舉潘綜吳遠孝廉教

晉 王韶之

前被符孝廉之選必審其人雖四科難該文質寡備必能孝義邁俗拔萃著聞者便足以顯應明敎允將符旨烏程潘綜守死孝道全親濟難烏程吳遠義行純至列墳成行咸精成內淳休聲外著可並容孝廉

永嘉郡教

梁丘遲

貴郡控帶山海利無水陸實東南之沃壤一郡之巨會而曝背拘牛屢空於畎畝績麻治縣無聞於室巷其有耕灌不修桑榆靡樹遨遊鄧里酣酺卒歲越伍乖隣流宕忘返才異相如而四壁獨立高慚仲蔚而三徑没人雖謝文翁之正俗庶幾龔遂之移風

表

薦賀循表

晉陸機

欽定四庫全書

浙江通志
卷二百五十九

伏見吳興武康令賀循德量遠茂才鑒清遠服膺道素風標凝峻歷踐三城刑政肅穆守職下縣編名凡萃出自新邦朝無知己恪居遐外志不自營年時倏忽而邈無階緒寶州黨愚智所為悵然臣等並以凡才累授飾進被服恩澤忝豫朝末知良士後時而守局無言懼有蔽賢之咎是以不勝愚管冒死表聞

為杭州刺史崔元將獻綠毛龜表

唐李嶠

臣聞五氣殊方元龜列於玄武四靈異稟神蔡遊於紫

泉用能藏往知來發祥祚聖大禹之永終天祿文薦九

疇隆姬之乃命帝庭兆言三吉永言秘寶錄存縑簡伏

惟皇帝陛下蘊靈沙劫屈道璿樞推正覺而御彝倫弘

大悲而撫羣俗雲行雨施之澤下漏三泉春生夏長之

仁曲成萬物恩洎草木惠覃飛走天澤感氣而延和神

靈應德而呈瑞伏見所部錢唐縣人聶幹於市內水中

獲毛龜一枚修尾長頭玄甲綠龜名掩於楚宗狀奇於

靈繹雖六眸在首未足尚其禎祥五色成文詎能齊其

欽定四庫全書

浙江通志
卷二百五十九

詭異伏從著而自久下蓮芳而暫出美無曠代休踰羣社謹按孫氏瑞應圖曰王者德澤湛清漁獵從時則靈龜出禮舍文嘉曰內外之制各得其宜則山澤出靈龜陛下解網收畧弘天地之大德創制改物窮帝王之能事宜其膺受冥貺克享珍符且益有十朋表賢才之入用壽踰千祀彰聖歷之無疆嘉祉不召而自臻乾象無祈而潛應臣謬當重寄親奉洪庥靈異受臻既駭於常觀忭舞胥屬實無於恒品無任慶躍之至

進瑞瓜頌表

唐柳宗元

臣某等今日內出浙東觀察使賈全所進越州山陰移
風鄉產瑞瓜二實同蒂圖示百僚者寶祚維新嘉瑞來
應式彰聖化克表天心臣等誠慶誠賀頓首頓首伏惟
皇帝陛下保合太和緝熙黎庶馨香上達淳化旁行嘉
瓜發瑞來自侯服質維同蒂見車書之永均地則移風
知化育之方始雖七月而食豳土歌王業之難五色稱
珍東陵詠嘉瓜之會未聞感通若斯昭著者也臣某等
欽定四庫全書
浙江通志
卷二百五十九
上三
遭逢聖運親仰珍圖忻蹈之誠倍百恒品無任慶悅之
至

杭州刺史謝表

唐白居易

臣居易言去年七月十四日蒙恩除授杭州刺史屬汴
路未通取襄漢路赴任水陸七千餘里晝夜奔馳今月
一日到本州當日上任訖上分憂寄內省庸虛仰天戴
恩跼地失次臣居易謬因文學忝廁班行自先朝黜官
已來六年放棄逢陛下嗣位之後數月徵還生歸帝京

寵在郎署不踰年擢知制誥未周歲正授舍人出泥登
霄從骨生肉唯有一死擬將報恩旋屬方隅不寧朝廷
多事當陛下旰食宵衣之日是微臣輸肝寫膽之時雖
進獻愚衷或期有補而退思事理多不合宜臣猶自知
況在天鑒忝非土木如履冰泉合當鼎鑊之誅尚忝藩
宣之寄才小官重恩深責輕欲答生成未知死所唯當
夙興夕惕焦思苦心恭守詔條勤郵人庶下蘓凋瘵上
副憂勤萬分之恩莫酬一二仰天舉首望闕馳心葵藿
之志徒傾螻蟻之誠難達無任感恩激切之至
為杭州李使君論李藏用杭州功表

唐獨孤及

臣及言臣聞當逆賊劉展擁兵過江之日變起倉卒鋒
不可當人心動搖物情危殆五道節制望風潰散自淮
而南至於海隅無敢保一城能守一節者唯少府少監
李藏用以宗室近屬憂國如家臨危抗憤忠勇奮發收
聚散卒糾合義士挺身履險出萬死一生之地與賊轉

戰堅守蘄州相持經月殺獲過當使凶賊徒黨鋒銳挫
衄其後以外援不至衆寡懸絕遂移師就險退保杭州
當此之時江淮諸軍已散平盧之師未至三分全吳賊
有其二藏用且募戰士獨守孤城以忠義感激令驍勇
樂用旬月之間致死士三千賊遣偽將張景超孫待封
等盡銳率衆分道來攻藏用與士卒等戮力一心義形
於色殊死決戰奮不顧身遂能兵鋒所加無不摧陷皆
一舉盡敵覆而屠之前後俘斬虜獲至數萬計向微斯
人之功捍此州之境則江畧土宇盡為敵疆海隅蒼生
非復我有云云

謝賜鐵券表

唐 錢 鏐

恩旨賜臣金書鐵券一道臣恕九死子孫三死者出於
睿眷形此綸言錄臣以絲髮之勞賜臣以山河之誓鐫
金作誓指日成文震動神祇飛揚肝膽伏念臣爰從筮
仕逮及東旄每自揣量是何叨忝行如履薄動若持盈
惟憂福過禍生敢冀慎初護末宣期此志上感宸聰憂

欽定四庫全書

浙江通志
卷二百五十九

十四

臣以處極多虞慮臣以防閑不至遂闕聖慮永保私門
勗臣以功名中諸帶礪雖君親囑念皆云必恕必容而
臣子為心豈敢傷慈傷愛謹當日謹一日戒子戒孫不
敢因此而累恩不敢承此而賈禍聖主萬歲愚臣一心
臣誠惶誠恐頓首頓首

杭州謝放罪表

宋 蘄 軾

臣近以法外刺配本州顏章顏益二人上章待罪奉聖
旨特放罪者職在承宣當遵三尺之約束事關利害輒

欽定四庫全書

浙江通志
卷二百五十九

十五

從一切之便宜曲荷天慈不從吏議伏念臣早緣剛拙
屢致憂虞用之朝廷則入耳之疾形於言施之郡縣則
疾惡之心見於政雖知難每以為戒而臨事不能自回
苟非日月之明肝膽必照則臣豈惟獲罪於今日久已
見傾於衆言恭惟皇帝陛下濬哲生知清明旁達委任
羣下退托於不能愛養成材惟恐其有過知臣欲去一
方之積弊須除二猾以示民特屈憲章以全器使臣敢
不省循過咎祇服簡書眷此善良自不犯於漢法時有

貸舍用益廣於堯仁

杭州謝上表

宋 蘓軾

入奉禁嚴出膺方面皆人臣之殊選在儒者以尤榮臣受寵逾涯積憂成疾既思退就於安養又欲少逃於滿盈仰荷至仁曲從微願江山故國所至如歸父老遺民與臣相問知朝廷遐近侍為太守蓋聖主視天下如一家鞭扑未施爭訟幾絕臣之厚幸宣易名言此蓋伏遇太皇太后陛下天地之仁賢愚無取日月之照邪正自欽定四庫全書 浙江通志 卷二百五十九 上六

湖州謝上表

宋 蘓軾

臣賦言蒙恩就移前件差遣已於今月二十日到任上訖者風俗阜安在東南號為無事山水清遠本朝廷所以優賢顧惟何人亦與茲選伏念臣性資頑鄙名迹堙微議論闊疎文學淺陋凡人必有一得而臣獨無寸長荷先帝之誤擢宣之三館蒙陛下之過聽付以兩州非

不欲痛自激昂少酬恩造而才分所局有過無功法令具存雖勤何補罪固多矣臣猶知之夫何越次之名邦更許借資而顯授顧惟無狀豈不知恩此蓋伏遇皇帝陛下天覆羣生海涵萬族用人不求其備嘉善而矜不能知其愚不適時難以追陪新進察其老不生事或能牧養小民而臣頃在錢塘樂其風土魚鳥之性既自得於江湖吳越之人亦安臣之教令敢不奉法勤職息訟平刑上以廣朝廷之仁下以慰父老之望臣無任悚惶激切之至

明州謝到任表

宋 蔡肇

失職之誅尚容自劾非常之寵更以曲加弗獲固辭具嚴名訓叨塵特甚感涕難勝臣聞人有能有不能聖主量材而授職仕或去或不去人臣秉義以事君儻已試而可知敢懷安而自止雖君父保全之恩厚不汝瑕疵顧國人可否之論公有覲面目伏念臣昨繇省戶擢置詞垣盡出聖神獨斷之明本無左右游談之助然名過

其實者殆用非所謂則窮況逢聖治之日新竊仰睿文
之天縱咸池張洞庭之野海鳥炫驚秋水灌涯涘之間
波臣自蕩莫知攸濟宜厚厥愆敢期全度之恩更溢褒
嘉之典既聯法從仍畀名城恭惟皇帝陛下如天覆臨
以生以遂薄海內外悉主悉臣眷甌粵之偏陬控東南
之巨浸鰲蛟霧濕之所蟠鬱夷隸舸舶之所往來方旋
反於使輅將嗣修於貢職謂宜推擇以重拊循而成結
約無奇間闕少與徒谿潭之醜類素乏雄文羸賈客之

欽定四庫全書

浙江通志
卷二百五十九

六

購金初無佳句矧今郡國守令之政具存典謨訓誥之
書奉以周旋雖不能識其大者求之度數庶幾或推而
行之有以及民是為報國

湖州到任謝表

宋晁補之

臣補之言奉敕就差知湖州已於四月二十九日到任
訖始解蒲中即臨雲上去股肱之要郡得山水之名城
除授每優事功常歛愚衷內揆感涕交揮臣補之本以
寒生起於下國艱勤少日既孤露以不天問學長年又

僻違而無類未足稱王哀之選奚取銓衡不能措游夏
之辭何知筆削臣昨所自陳列皆出惓誠已憂疾憊之
莫勝更覺才殫之難強恐隕越無以塞責故遵循異於
食功終賴察微俾從補外遽令移徙復竊便安然臣自
惟何人徵幸乃得若此斯蓋伏遇皇帝陛下道光前烈
仁覆羣倫瑾瑜所貴於匿瑕管蒯可收而代價故容器
使屢及下材而臣以五十歲服官之時當二千石共理
之任有心許國蓋早脫於冗員無地輸忠但益脩於常
職臣無任感天荷聖激切屏營之至

欽定四庫全書

浙江通志
卷二百五十九

上九

湖州到任謝表

宋王十朋

遠障承流乏循良之善政近藩改命仰覆載之隆恩祇
領訓詞彌增感涕伏念臣五年去國兩地分符饒俗浩
穰有難調之巨室夔疆瘠鹵介絕險之烏蠻但思治已
以先人豈忍擾民而生事幸田里安其不奪而獄訟由
之少稀敢曰懷歸實緣多病輒控祠庭之請屢干宸宁
之嚴既寬斧鉞重誅復畀股肱佳郡瞻清光於便殿展

素蘊之忠言謂能卹民忽蒙天語見獎徙於近地極佩
聖德無涯何意哀庸有此遭際茲蓋伏遇皇帝陛下至
仁無被大智難名憐臣守志弗渝知留心於惠養奉躬
匪懈甘盡節於勤勞故降異除華於朽質臣敢不持循
憲度効法京師詠靈沼於真卿深體好生之德恢儒官
於安定益陶善教之風

嚴州謝到任表

宋陸游

穿廷和之細伏而咫尺天佩新定之佐符秩二千石叨

欽定四庫全書

浙江通志
卷二百五十九

三

塵過分感懼交懷中謝臣聞明主恩深書生命薄唐帝
之知李白一官不及於生前漢皇之念相如遺稿徒求
於身後況如臣輩敢望昔人猥緣一技之卑嘗綴百僚
之末雖簪笏久違於昕謁乃姓名猶在於凋哀乘傳來
歸兩奉召還之旨懷章欲上亟蒙趨對之榮親降玉音
俯憐雪鬢勞其久別蓋寵嘉近侍之所宜勉以屬文實
臨遣守臣之未有茲蓋伏遇皇帝陛下睿謨冠古英斷
如神肆筆成書千載獨高於聖學研經汲古諸儒絕全

於清光以臣夙被化於明時憐臣未廢書於晚歲將激
昂其素志故闕畧於往愆臣敢不戴使愚使過之恩念
有社有民之寄懇崇陰而聽訟期無墜於家聲及瓜戍
而代歸尚少酬於君賜

湖州到任謝表

宋王炎

便朝賜對近輔班條起諸間散之餘付以蕃宣之寄喜
非所望懼不能堪伏念臣曩以散才濫升鄉貫老隨災
至命與志違入三館者四年取疵不掩把一麾者數月

欽定四庫全書

浙江通志
卷二百五十九

三

瘡痍已成坐此罷歸宜其永廢乃從家食驟得守符况
古稱苕霅之間湖山清遠而今此京畿之內事物浩穰
自揆何人可居此地第緣疎淺不敢控辭識閭慮疎何
以撥煩而治劇身衰氣憊難於扶弱而仆強縱欲佩章
終虞傷錦恭遇皇帝陛下皇明日照聖度天涵在知人
而能官人雖加遴選善取物而無棄物亦或兼收臣敢
不益戒曠官深思補過寧催科之政拙惟務便民但寬
大之意行是為報國

浙東提舉到任謝表

宋朱熹

宣教郎直祕閣提舉兩浙東路常平茶鹽公事臣朱熹
上表臣言準告授臣前件差遣填見闕臣已於今月六
日就本路蕭山縣交割職事訖者擢於偏壘付以外臺便
道造朝單車詣部延見父老問其疾苦之因宣布詔書
諭以丁寧之意榮逾望表懼溢情涯伏念臣生長田間
棲遲林壑居然樸拙見謂迂踈潛心切慕於師承行已
敢干於義命會逢聖旦恭預時流驟自草萊起分符竹

欽定四庫全書

浙江通志
卷二百五十九

三

乾坤大德施且不貲螻蟻私情報於何有屬歎歲民無
艱食詔愚臣職有微勞寵之冊府之華畀以近畿之節
雖駕馬之十駕緩者鞭之然鼯鼠之五窮技止此耳毋
乃累公朝之選重以為多士之羞茲蓋伏遇皇帝陛下
闢舜四門馭周八柄欲尺寸之長並用致孱微之品亦
收比奉對揚親叨臨遣大明委照不棄負薪之言零露
疏恩更下賜綬之令顧受所在稱塞為難臣惟當恪意
講求因時施舍不能則止戒小已之便文當官而行效

古人之報國庶殫毫末上答丘山

浙東提舉到任謝表

宋潛說友

一再命以為州咸無善狀六百石以察部誤拜渥恩身
慚安便之為優衆謂甄陞之獨異乾坤德大毫髮命輕
竊惟斂散之微權莫重常平之使者山澤之利以裕國
倉庾之儲均於民惟源流本末之阜通則上下有無之
兼足豈特欲九年之益蓄亦戒夫一孔之不遺恪持經
常當辦取予至於民情休戚之本吏治否臧之分事母

欽定四庫全書

浙江通志
卷二百五十九

三

壅於上聞澤乃周於下布求稱厥職蓋難其人如臣慙
愚殖學荒淺謂其常更中外之職有志斯民尚可俾乘
輶傳之馳往承休德庶以異時布宣寬大之意而為今
日激揚清濁之公曾下下之考而未書乃皇皇者華而
遽遣就臨所部實寵其行伏遇陛下器使羣工鑑觀庶
物與我共理倘田里有庶民之安惟爾之能則命秩示
列城之勸博求膚使下及孤蹤臣敢不尊其所聞期於
不負無政事則財用不足肯用空言或登覽有澄清之

風當希前哲力殫素學仰答殊知

代胡宗憲進白鹿表

明徐渭

臣謹按圖牒再稽道詮乃知麋鹿之羣別有神仙之品
歷一千歲始化而蒼又五百年乃更為白自茲以往其
壽無疆至於鍊神伏氣之徵應德協期之兆莫能罄述
誠亦希逢必有明聖之君躬修玄默之道保和性命契
合始初然後斯祥可得而致恭惟皇上凝神沕穆抱性
清真不言而時以行無為而民自化德邁羲皇之上齡

欽定四庫全書

浙江通志
卷二百五十九

三

齊天地之長乃致仙麋遙呈海嶠奇毛灑雪島中銀浪
增輝妙體搏冰天上瑤星應瑞且地當寧波定海之間
況時值陽長陰消之候允著晏清之效兼昭晉盛之占
顧臣叨握兵符式遵成算蠢茲小醜尚爾跳梁日與偏
裨相為犄角偶幸提開之會嗣登和氣之祥為宜付之
史館以光簡冊內諸文圖俾樂治臺寬草通靈益感百
神之集銜芝候輦長迎萬歲之遊

疏

吳興郡武康開漕疏

宋始興王濬

所統吳興郡襟帶重山地多汗澤泉流歸集疏決遲壅
時雨未過已至漂沒或方春輟耕或開秋沉稼田家徒
苦防遏無方彼邦輿區地沃民阜一歲稱稔則穰被京
城時或水潦則數郡為災頃年以來儉多豐寡雖賑賚
周給傾耗國儲公私之弊方在未已州民姚嶠比通便
宜以為二吳晉陵義興四郡同注太湖而松江滬瀆壅
喧不利故處處涌溢浸漬成災欲從武康紆溪開漕谷

欽定四庫全書

浙江通志
卷二百五十九

三

湖直出海口一百餘里穿渠浚必無閼滯自去踐行量
度二十許載去十一年大水已詣前刺史臣義康欲陳
此計即遣主簿盛雲泰隨嶠周行互生疑難議遂寢息
既事闕大利宜加研盡登遣議曹從事史虞長孫興吳
興太守孔山士同共履行准望地勢格評高下其川源
由厯莫不踐較圖畫形便詳加竿考如所較量決謂可
行尋四郡同患非獨吳興若此洽獲通列邦蒙益不有
暫勞無由永晏然興創事大圖始當難今欲且開小漕

觀試流勢輒差烏程武康東遷三縣近民即時營作若
宜增廣尋更列言昔鄭國敵將史起畢忠一聞其說萬
世為利嶠之所建雖則芻蕘如或非妄庶幾可立

薦胡瑗充學官疏

宋 范仲淹

臣聞臣之至忠莫先於舉士君之盛德莫大於求賢泰
通之朝豈敢隱默臣竊見前密州觀察推官胡瑗志窮
墳典力行禮義見在湖州郡學教授聚徒百餘人不惟
講論經旨著撰詞業而常教以孝弟習以禮法人人嚮
善聞里歎服此實助陛下之聲教為一代美事伏望聖
慈特加恩獎升之太學可為師法

代學使請復新建伯封爵疏

明 徐 渭

為請復功臣封爵以崇厚道作人心事臣本菲薄賴陛
下聖仁令臣提督浙江學校首務在敦實行敦實行在
先士風於是作為條約首令提調官以四孟月採士民
之行而臣歲一按臨以觀其風凡忠臣義士孝子順孫
烈女節婦臣悉咨訪以備旌舉時至紹興府則見鄉大

夫士及故老庶民爭來言故新建伯兵部尚書兼都察

院左都御史王守仁始以倡義擒逆濠受封前爵迨後
奉命平思田討八寨斷藤諸賊其撫勦處置功烈尤著
既以勤事病困乃就巡歷屬地冀得便道待乞休之報
遂死南安當時廷臣過從吏議謂守仁倒施恩威擅離
職役身死未幾而削奪旋及使功臣之骸藁葬原野子
孫下同編民非所以廣聖意勸忠良也臣既聞斯言復
檢按諸所呈遞前御史裴紳所行紹興府山陰餘姚等

縣學生員秦倪等呈詞及先後諸臣大學士方獻夫詹
事霍韜御史聞人詮等論列之稿守仁生時歷年章疏
文移處置施行之實叅之臣疇昔所聞縉紳道路傳誦
之言則知守仁平定逆藩之大功與陛下所以加守仁
之懋賞舉的然有定議矣至其往處思田不血一刃不
費斗粟遂定兩府之地活四省之生靈呼吸之間降推
結者以七萬至其往征八寨斷藤諸巢則以數千散歸
之卒不兩月而蕩平二千里根連之窟破百年以來不